

AD QVOD LIBET ARIAM.
QVÆSTIO MEDICA.

MATVTINIS DISPV TATIONIBVS EXAGITANDA

IN SCHOLIS MEDICORVM DIE IOVIS XXVI. NOVEMBRIS.

D. SIMONE BAZIN DOCTORE MEDICO MODERATORE PRVDENTISSIMO.

Magis ne ab Aëre quam ab Alimentis corpus immutatur?

IMPERATISSIMVM quidem homini corpus inter animalia tributum est: Communibus tamē elementis non synceris sed per tota confusis quia constare oportuit, mutationi fluxuque perenni obnoxii euasit: Cuius compagem structuramque mirabilem constituunt spiritus (sacculatū sedes & instrumenta, necnō sensus, vitæ, & nutritionis auctores) Humores (actu in sanguine contenti) & partes solidæ ex sanguine oritæ: Quorum perpetua iugique mutatione & fluxu statim ab ipso ortu singulis temporum momentis immutatur. Quæ triplicem substantiæ nostræ fluxum à duplici calore proficiscentem natura sui conseruatric & prouida triplicis substantiæ accessione refarcit: Spirituum quidem ab aëre (sua præ natura calido) iugiter attracto, Humorum & partium solidarum decessum in euitalibilem potulentorum & esculentorum appositione & assimilatione reparat.

PIRITVS corporeæ aëreæ tenuisque substantiæ, oculo rum aciem effugientes, quamuis æthereæ non nihil naturæ contineant, impura tamen aura in eorum alimoniam cedente, prauam eamque inexplicabilem principibus partibus (celerius tamen Cerebro quam Cordi & Hepati) comunicant: vnde morborum acutorum (in quibus febris non necessario affidet, cum nō perpetuo acris sed potius lentos crassosque humores habeant comites) propago enascitur. Eadem aura graui & insolita mutatione variis inquinamentis oblita, planè obtinet: vnde malignam soli aut Cæli quæ alitatem in Corpus deferens, morbos epidemios contagione deleterios (à prauo etiam victu progigni aptos) ingenerat. Qualitatum vero exuperantia per tempestatum vicissitudines siccitatis ac imbrium vim secum deferens & sub dispersorum specie simplicis epidemios (quibus quidam etiam cacoethes inesse fatendum est) immittit.

Temperatis corporibus temperatus aër sic intemperatis contraria qualitate exuperans optimus ac saluberrimus existit. Impendio autem calidior coctionem minuit, bilem torridam facit, sudores prolicet, atque exhaulitis spiritibus vires deicit, vnde mors statim consequitur: adeo ut qui in eo continuam vitam degunt breuioris æui esse ratio persuaseat. Frigidior densat cutem, perspirationem impedit, vnde excrementorum suppresio grauius morborum fomes: tandemque prohibito sanguinis, spiritus vitalis, aut animalis commeatu, repentinæ mortes ferè subeunt. Humidus supra modum aër in vniuersum morbosissimus. Siccus saluberrimus. Impurus denique aër faciat spiritus & humores, nubemque quasi caliginem iis inducit. Spiritibus enim cæteris omnibus violentius imperat circumfusulus aër, Aquarum regionum pariter ac ventorum naturas atque anni constitutiones imitatus. Tales proinde sunt spiritus qualis aër qui inspiratur.

EQVE vero longè minorem immutandi corporis vim obtinent poculentorum & esculentorum vitiosa substantia, praua qualitas, immoderata quantitas, Ordo ciborum præposterus, intempestiua sumptio: A quibus dum ventriculus à suo munere auocatur vitiosos succos parit, qui nec Hepatis (humorum opificis) nec cæterarum partium vi emendari possunt. Hinc cruditas crapulæ perennis comes, imo omnium morborum radix. Hinc nobis sæpe imprudentibus laudabilis euechiæ atque euexiæ in improbam demum exæius hydropis prænuntiam degeneratio. Hinc labefactata tota naturæ œconomia corpus cacoëchymia tenetur, quæ non aliunde magis quam ex prauis & vitiosis succi alimentis conciliatur: in qua si nutritio fiat, tota vitiosa est: Vnde multorum affectuum origo sumitur.

VM autem varia alimentorum facultas ac materia è terre frugibus animantiumque naturis in corpus assumpta vbique mutatione protinus aliquam subeat, Coctionem vero succorum humorumque omnium (suis vique quaque alimentis consentaneorum) parentem ac genere tantum triplicem. (quam propria molitur partium substantia) non statim nec passim recipiat: A victus ratione, temperamento, anni cælique statu magis minusve conuenienti, maior minorve cuiusque proueniens affluentia corporis habitum semper quidem immutabit, non tamen semper labefactabit. Hinc innumerales functionum noxæ emergunt, & morbi quidem contumaces, minus tamen quam ab Aëre funestis: Ab eo enim latius grassantur, celerius sua percurrunt tempora, medicamenta ferè respuunt in domiti coctionique iniqui, nec medico dant inducias: vnde in propinquo mors.

Ergo magis ab Aëre quam ab Alimentis Corpus immutatur.

ASSEREBAT PETRVS COLLIER PARISINVS. Anno Domini 1598.

Domini Doctores Disputaturi.

M. Petrus Paulmier.
M. Petrus Ponson Med. Reg.
M. Anthonius Quiquebenf.

M. Iacobus d'Amboise Med. Reg.
M. Iacobus Cousinor.
M. Petrus Seguin Prof. Reg.

M. Ioannes Haultin.
M. Sulpitius Rigault.
M. Bartholomeus Perduclis.